

Scheibenschlagen

2017

Nachname Vorname

Löschgruppe Graf-Gurnau

Grafer Kapelle

Liabe Leit, heint mecht mar enk olla schia begrießa,
wos d'rnoch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D'Fuirwehr tuat enk in dr Noat olli halfa,
drum seits it beas und lot'sas galta.

Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huiru d'Grafer dron.

Bürgermeister & Vize Lutz Thomas Sieß Reinhold

Der Gemeinde und dem Land Tirol die schiane Raketa da keart
weil inser Fuirwehrhäusli in nuim Glanz in Graf dauß steaht.
Weil freiwillige Stunda für die Allgemeinheit nit jeder mocht
für jeden der kolfa hot, iatz der Böller laut krocht.

Fam Hotz Oskar Edith

Dem Oskar & der Edith tian mar iatz a Scheiba weit ausa schloga,
und tian enk it lang mit insere Reim ploga.
Miar hoffa enk hat`s guat,
und dass dia Scheiba weit fliaht mitsamnt der Gluat.
Dem Hannes und der Beate wünsch mar natürlich ou nou alles Guate für`s huirige
Jahr,
und schloga enk nou a Scheiba ganz weit duch ah.

Hotz Beate

Di Beate fühlt si in dr Volksbank olli no recht wohl,
gonz gleich ob si iatz o hoäßt "Volksbank Tirol".
In ihrer Freizeit kümmert si sich um ihr Haus,
do geht ihr d'Orbeit sicher nia aus.
Eppas isch do olli zum Richta und zum Mocha,
Fenschter putza, Hecken schneida und selcha Socha.
Dia Scheiba schiaßa mar aucha bsunders weit,
mir wünsch dir für's nägscht Johr a schiane Zeit.

Schwendinger Mathias

Des isch für an Mathias des erste Sprich'li bei ins,
da mehta mir die herzlich begrißa,
auf des wera mar iatz a Scheiba weit ausi chiaßa.
Er wohnt in Graf im Hoza-Haus, ma sieht in da gehn immer ein und aus.
Arbeita tuat er bei da Eisenbahn,
als Verschieber in Innsbruck muaß er stiahn sein Mann.
Mir hoffa dass es dir in Graf guat gfallt, und haua dar no an Böller in da Wald.

Berka Michael

Iatz steigt amol a Raketa auf, weil den Michael homer auf insrer Lista drauf.
Aber Michael, was sell ma über die schu schreiba,
wenn ma nit mol wissa, wo du di tuasch umma treiba.
Mir hoffa dass ma öfterzu Gsicht kriagt, auf dass dia Scheiba weit aussu fliagt.

Horvath Patrick

Dia Scheiba tian mar weit aussitreiba,
dass der Patrick no long tuat gsund bleiba.
Da gibt's gnuag zum erleba,
drum weards bei dir koa Langweil geiba.
Dir set des neue Jahr viel Gsundheit bringa,
drum lass mar a Scheiba den Higl ocha springa.

Fam Hotz Martin & Maggi

Deas Haus vum Martin isch riesen groß,
und es hot an Haufa Räum wie jeder woas.
Wos kann ma mit deana gonza Zimmer lei mocha?
Am beschta isch, ma heart überall a Kindli ausalocha.
A Madli mocht die Familie bis auf weiteres komplett,
auf deas knallt an Böller in der Luft recht fett.
Bei am Fuierwehrrinsatz direkt vor enkram Haus,
isch an Kluan Transporter hengablieba, vu alluan kam dear numma aus.
Dar Martin hat kurzerhand a Fahrzeug vu Landeck ghoalt und den Laster ausm
Dreck manövriert,
am beschta war, deas Rüstfahrzeug war direkt beim Martin vorm Haus
stationiert.

Sports-Bar

Johr aus, Johr in,
steht dar Sezi in der Sports Bar drin.
Da isch as ja schua foscht a Wunder,
trotz dear gonza Arbeit, hat der Sezi sei Frau fürs Leba gfunda.
Und weil er dia Frau numma weck lot,
ischas eh klar, dass er sie glei gheiratet hot.
Viel Glück zu zwoat und a guats Jahr,
drum schloga mar a Scheiba durcho.

Fam Schröcker Hermann & Frida

Dia Raketa tia mar dr Frida und im Hermann spendiara,
und enk drmit zur Goldana Hochzeit gratuliera.
50 Johr isch a lange Zeit, ober di Liab isch no frisch,
Frida mir hoba keart, dass du für'n Hermann olli no s' Schatzi bisch.
So a Jubiläum keart gfeiert, des isch klor,
enkera Madla hoba hochleba glot, des Jubelpoor.
Organisiert hot di Feier, do kimmt ins in Sinn,
sicher die Christiane, sie isch jo Wedding-Plannerin.
Mir wünsch a enk Gsundheit und no viel schiane Lebensjohr,
dia es gemeinsam genießen kennts als glückliches Ehepoor.

Dr. Thomas Jehle

Vor'm Zohnorzt hoba a Wilda di meishta Leit,
ober wenn's weah tuat sei sie froh, dass es ihn geit.
Der Dr. Jehle hot si für sei Ordination um a nuis Platzli umgshaft,
und bei ins do in Grof a tolles Haus herbaut.
So a Schmuckstückli weart weitum kuan Zohnorzt hoba,
des isch dir wirklich gelunga, sall konn ma sogä.
Iatz für die no an lauta Böller knollt,
miar hoffä, dass es dir bei ins do recht guat gfollt.

Landw. Genossenschaft

Miar mehta die L.G. in Grafa amol recht herzlich begriäsa,
und tian enk iatz an morz Böller auchi schiäsa.
Hoffentli habät` s enk schua guat einglebt,
und eim Umzug it lei a morz Gfrett kett.
A haida nuie Halle zum arbeita habät` s enk da hea baut,
und glei gschaut dass es ou ummadum guat aus schaut.
Egal was ma für die Bauraschaft braucha kannt,
dr Johann hat` s sofort zur Hand.
A super Angricht habät` s da allemal,
da weard die Arbeit zur Freid und nit zur Qual.
Enkere Scheiba tian mar iatz ganz weit ausä katapultiera,
und hoffä eas tiät` s der Fuierwehr eppas spendiera.

FA Catering Schwarz

Dia Scheiba tia mar weit ausä schiäsa
und damit a nuie Firma in Grof begriäsa.
Catering Schwarz hot iatz a nues Domizil,
pickfein, modern und mit viel Stil.
Direkt neba dr Stroß und beleuchtet ou in dr Nocht,
weil ma damit ou glei guate Werbung mocht!
Dr Patrick hot für sei Gschäft a goate Hond,
und beliefert Feschla überoll umanond.
Ob a Grilloabend oder a Businesssevent, do isch ihm nuit z'groaß,
er kocht auf wia ma's braucht, ob kolt oder hoäß.
Mir wünschä weiterhin a guate Auftrogslog,
dass dr Umsatz und dr Gewinn ou passa mog.

Schröcker Evelyn

Turbulente Zeita hat wohl o die Evelyn hinter sich,
isch decht die Volksbank Landeck quasi vum Tisch.
Volksbank Tirol hoast deas iatz und alles weard umstrukturiert,
wenn ma da lei nit da Überblick verliart.
Hat sich dein Zuständigkeitsbereich groß gwendelt?
Oder stimmts, dass as sich olli no ums Onlinebanking hondelt?
Isch wias isch, miar winscha dar a feins Johr,
und schloga für die no a Scheiba durcho.

FA Walch + Plangger

Pläne für Wosser und Kanal weara in dera Firma gmocht,
und nocha bei der Umsetzung überwocht.
D' Kundschofta sein ou weit verstraht,
drum weards bar Orbeit ou oft spat.
Dai Scheibe setts weit aussitroga,
und wenn miar an Rat braucha, kenna miar enk sicher froga.

FA Streng

Guat, daß die Firma Streng viel Auto und großi Bagger hot,
weil dia wora im Herbscht beim Hochwasser in Grof wirkli g'frogt.
Reagiert hot er sofort und schnell
Und wor mit den verschiedensten Geräten zur Stell.
G'arbeitet hoba si foscht Tog und Nocht,
d'r für iatz an saggrischer Böller krocht.

Ruetz Getrud

Mir wissa nit was trieba hasch im letschta Johr,
iatz wiss ma nit was über die schreiba, eh klar.
Drum stell amol was on,
dass ma negschts Jahr ou was längeres schreiba kann!

Fam Matt Egon Annemarie

Dem Egon mechta miar amal ganz anständig zum 80ger gratuliera,
und dafür lass mar a schiane Raketa maschiera.
Viel Gesundheit und Glück wünsch mar enk für`s huirige Jahr,
und schloga a Scheiba hoffentli ganz weit durch ah.

Matt Christian

Dr Christian hot an Haufa Peschtla neba seim Job,
und ou mit'm Fußball da isch sei Mannschaft top.
Mit Schönwies-Mils hat er die Tiroler-Liga anvisiert,
mir hoffe dass deis ou passiert.
auf jeda Fall iatz no a Raketa in Himmel aua marschieret.

Fam Maidel Wilfried & Ofelia Maria

Bei enk gibt huira nix bsunders zum berichta,
deas macht`s ins schwar eppas hetzigs zum dichta!
mir wissa nur mit'm Bua dahoam habts es imma a schiane Zeit,
und als Eltern jeder Tog s'Kins oam neu gfreit.
Mir winscha enk drei für`s huirige Johr glick und s´allerbescht
Und schiaßa de scheiba weit ausi und zwar ganz fescht.

Wolf Julia

Nit leicht isch fir di Julia a Sprichli zum schreiba,
was wissa miar schua vu seim Leaba und Treiba?
Bekonnt isch ins nur, dass d'Julia orbeitet im Zammer Krankenhaus
da geat dir Di Orbeit sicher nia aus.
Sinscht wünschta mir ins viel mia Information,
a längers Sprichli im negschta Johr war nocha dar Loh.
Gsundheit und Glick bringt dir dia Scheiba
drum lass ma sie weit außa treiba.

Fam Schmid Robert Monika

In Robert sieht ma in letschter Zeit numma so oft sei Runde giah,
hin und wieder muaß er beim Doktor im Warteraum stiah.
Mir hoffa du bisch glei wieder besser beinand
dass ins drzeahla kannsch wie es war früher in inserm Land.
D'Fuirwehr losst enk zwoa a Raketa aua singa,
die sell enk viel Gsundheit bringa.

Fam Nitsche Kurdoglu Gerald Brigitte

Dr Gerald und Brigitta tia nit long daham umchastiah,
wenn si kenna zu da Enkala in'd Steiermark oder nach Deutschland giah.
Mit'm Zug sei di zwoa unterwegs und tia sich die Zeit vertreiba,
do hot dr Gerald ou Zeit zum Schreiba.
Rittelt der Zug und zittert die Hond so isch deas perfekt,
ma nennt so eppas nocha den Künstlereffekt.
Deia Gekratzel tuasch ins holt nocha übersetza,
dafür tia mir enk iatz a Raketa aua fetza!

Pfeifer Melanie

Der Melanie tian ma iatz amol a morz Scheiba aussu schloga
und hoffa es tuat zu deiner Gsundheit guat beitroga!
Miar hoffa, mir tian dir damit ou a Freid mocha,
und lassa dir an lauta Böller krocha.

Narr Hubert und Melanie

Dia Scheiba aussu aus der Gluat,
mir hoffa enk geah't s guat!
Gsundheit, Glück unds Allerbest,
wünsch mar enk bei insrem Fest!

Matt Michael

Dir sett des nuie Jahr viel Gsundheit bringa
Und mit ara Scheiba lossa mar` s ausklinga.

Moldovan Emil

Dia Scheiba hat am Emil keahrt,
dies isch fix, sindscht wiss mar nix!

Fam Berger Mario Christine

Die Fam. Berger isch in Graf nit viel am Riess,
des wissa miar und sall isch gwies!
So a Johr vergeah't ganz flott,
wenn ma isch im Alltagstrott.
Huira mecht mar enk wieder öfters erblicka,
nocha kenn mar negschts Johr a längers Sprichli schicka!

Fam Horvath Erich Elisabeth

Mit der nexta Scheiba was mar aussa treibe,
dia mar bar Elisabeth und beim Erich stia bleiba.
Über enk beda hoba mar der froga,
es missats enk als Kotzasitter für die Heidi o´ blogea.
S Autofahra tuat der Koter leider gor it leida,
so tut er oh jedsmal von Dornbirn noch Londeck ins Auto speiba.
Mir wünsche enk ou in Zukunft als Katzasitter gutes gelinga,
und lossa no a Raketa in a Himmel singa.

Fam Horvarth Thomas Denisa

Beim Thomas kenna mar deas nit verstiah,
wo wearsch du nach dr Orbeit alli umchastiah.
Dr Bua hat ja guate Nota in dr Schul, do brauchsch die decht nit soarga,
und Denisa tuat die echt ou umsoarga.
Denisa tuat in Kappl a bissli Gald darzuverdiena
mir tia enk iatz no an Böller spendiera.

Horvarth Martha

Iatz lassmar a Raketa in Himmel marschiera,
und tian d'r Martha nachrtägli zu ihrem 80ger gratuliera,
Oft secha mar die Martha ins Grofer Kirchli gia,
das es dir gsundheitlich so gut geht, des finda mar schia.
Das mar no viel Sprichli über die schreibe kennea,
sett no an Böller in Himmel brenna.

Autohaus Zangerl

Des Hochwosser mittelt in dr Nocht,
hot ou beim Autohaus Zangerl Probleme gmocht.
Di Fuiwehrler hot ma gsecha mit dr Pumpa und da Sondsäck renna,
so hoba si an greaßara Schoda obwehra kenna.
Si hoba ou glei a Probefohrt mit enkera Autos gmocht,
und sie auf die sicher Seita und weck vo dem Hochwosser brocht.
Am nägschta Tog wor's Fuiwehrauto hin, do hoba sich di Chefleit glei
revanchiert,
und des Auto in Null Komma Nix repariert.
Dia Raketa geiht aucha, es isch hold schia,
wenn di Leit in inserem Riadla fescht zommhalfa tia.

FA Getränke Wille

Miar bleiba iatz bar Firma Getränke Wille stiahn
und lossa dia Scheiba auss, gonz schian.
Dös Unwetter wor für dia Firma a großer Schreck,
wia jeder gsecha hot hot dös brocht an Haufa Dreck.
Viel Kroft und Einsatz hot ma g'secha,
und do isch ou gonz viel gschecha.
A Raketa lossa miar iatz nou marschiera,
und hoffa, daß solche Katastrophä bei enk numma passiera.

FA Wille Harald

Von Hochwosser und Mura isch d'r Harry iatz schuan d'r gremmt,
weil d'Grinner Mura hot ihm die beschta AUTO in g'schwemmt.
Viel Fleiß und Einsatz hot ma nocha g'secha
Und beim Aufrauma isch viel gschecha.
Daß dein Geschäft trotzdem weiter floriert,
für dein Firma noch an Böller krocht und a Raketa marschiert.

FA HW Bau Graf

Iatz bleiba miar beim HW Bau stiahn
weil do hots ou an Haufa Orbat geba, kann jeder v'rstiahn.
In deam Loger isch olli a Ordnung, dös isch grad a Procht
nu d'Grinner Mura hot dös im September durcheinonder brocht.
Kniatief hot ma kenne im Wosser stiahn
dear Onblick wor sicher numma schian.
Durch viel fleissigi Händ wor olles glei wieder wia frisch
drum lossa miar nou an Raketa und an Böller vom Tisch.

Kathrein Anni

Dia Scheiba lossa miar iatz aussisinga,
dia sett d'r Anni weiterhin Gesundheit bringa.
Uans miassa miar schua amol sogä,
miar freia ins olli, wenn miar kenna d'r Anni a Scheibe schloga.

Juen Katrin

Dia Scheiba tian mar weit auss, schiassa
und damit die Kathrin begriessa.
Mir wünschen dir viel Glück auf deinem Lebensweg
und dass dir kua Krankheit steht im Weg!

Streng Philipp

Phillip mir hoffen du bisch bereit,
die Feuerwehr braucht nämlich immer Leit!
Dass mar die kenna negschts Johr in insra Rreihä begriassa,
tian mar iatz dia Scheiba weit aussı schiassa.

Fam Walterscheidt Klaus Katrin

Hallo Klaus und Kathrin wia schnell dia Zeit vergeht,
iatz kimmt a Scheiba dia dr gonza Familie kehrt.
Klaus iatz hasch die Lehrzeit super hinter di brocht,
in Abschluss als Kindergartenhelfer bestens gmocht.
Und für enkern weıtern Lebensverlauf,
haut die Fuierwehr a Raketa mitdrauf.

Zangerl Marco Staudacher Nadine

Marco und Nadine tian mar Heuer` s erste Mal begriassa
und dafür a Scheiba ocha schiassa.
Dass mar negschts Johr oh wissa was schreiba,
tiats im heuriga Johr,
viel Blödsinn betreiba!

Auer Isabella

Bei dar Isabella miass ma iatz nocha an Spion anstella,
wenn ma was darfroga wella.
Wer woas, vielleicht darfrag ma was lustiges für` s negschte Johr.
Ins tat sal morz mässig gfreia, dies isch ja klar.
Mir hoffa du bisch Gsund und es geahrt dar guat
Und dass es so bleibt,
hohl mar iatz a Scheiba aus dar Gluat.

Grissemann Stefanie

Jo vor Stefanie wiss mar nix zum berichtä
Da isch es schwar eppas zum dichtä
Flugs isch des Johr vorbei,
und miar hoba sa wieder nit derwischt bei ara Gaunerei.
Miar wünschä dir, dass s' nägscht Johr viel Guats dir bringt,
iatz no an Böller erklingt.

Krabichler Patrick & Scheiber Melanie

Dia Scheiba was iatz kimmt,
dem Patrick und dar Melanie viel Glück huira bringt.
Mir tata geara mol was lustiges berichta,
aber darfragt hoba mir iatz nit viel, drum weards
schwar zum dichta!
Tiats ins s` ganze Johrgsund bleiba
Und hoffentli tuats dia Scheiba weit aussu treiba.

Mulser Astrid

Mir hoffa, der Astrid hats in Graf guat gfolla,
drum lass mar glei an Böller knolla.
Mir wissa nit wo tuasch die umma treiba,
drum kenna ma nit viel schreiba!
A Scheiba hol ma aus der Gluat,
dass der immer geahrt guat!

Gamper Birgit

Die Birgit tuat in Graf iatz wohnen
und des tian mar mit a ra Raketa belohnen.
Über die Birgit wiss mar nit was schreiba,
mir hoba kua Ahnung, wo sie sich tuat umatreiba.

Fam Thurner Udo, Evelin

D'Evi tuat a eigene Geschäftsidee betreiba,
so kansch im erschta Stock bei ihr im Gechäft verweila.
Da sigt ma zum wohna interessante Socha
aus Indien, Sri Lanka, China und ou manchs zum nochmocha.
Trendhunterin tuat Evi sich iatz toufa,
deas isch nit zum darvonloufa.
Mir lossa ins gera berata und tia dir für die Idee gratuliera,
a schiane Raketa set extra für enk in Himmel marschiera!

Ruetz Johannes

Jo der Johannes hot erfolgreich sei Matura absolviert,
und isch in seim Leiba somit a Stickli weiter marschieret.
Im Summer hot er verdient beim Metallbau Eckhart seine Moneten,
dass er sich weiterhin leisten kann manche Partys und Feten.
Mittlerweile isch er in den Zivildienst gstartet,
wo ihn sicher die ein oder andere nützliche Lebenserfahrung erwartet.
Dass über dein weiteres Leiba tuasch guat entscheida,
tian mar dr a Scheiba nou weit ocha treiba.

Ruetz Jakob

Dem Jakob derf mr zur abgeschlossna Fachschul gratuliera,
auf des tia mir glei an Böller spendiera!
A Arbeitsstell hot er glei beim Schwarz gfunda,
bei dem er tuat ableista ou mehrere Stunda.
Weiters tuat er ou in Pians auffolla,
wenn wiederamol beim Umzug die Gewehre laut knolla.
Mir wünsch dir fürs kommende Jahr lei s' Allerbest,
drum schias mr dia Scheiba ausi no ganz fest!

Fam Ruetz Markus Christine

Lustige Stickla spielt s'Leaba so manches Mol,
da passiera Socha, und ma hats Gfühl ma hat kua Wohl.
Dar Markus isch seit einiger Zeit in Zams im Krankenhaus zum finda,
als Seelsorger weard er da Patienta Trost und Zuspruch bringa.
Die Christine isch iatz in Innsbruck als Lehrerin am unterrichta,
und deas ischas, was miar wella berichta.
Dar Markus wechselt vu Innsbruck auf Londeck aucha,
und Christine war in Landeck und hat sich denkt, i kannt mar decht in Innsbruck
um a Orbeit schaua.
Ganz so geplant hoba dia 2 deas wohl kaum,
a gemeinsame Wohnung in Innsbruck isch gstonde im Raum.
Ja ja, s'Leaba mocht manchmal lustige Socha,
dafür lossa mar enk no a Scheiba krocha.

Moschen Anni

D'Anni tia mia numma so oft secha beim spaziera giah
ou bei dr Haltestell in Graf tuat si numma so oft stiah.
Mir hoffa alla es geat dr guat,
und hola für die iatz die Scheiba aus dr'Gluat.
88-Johr tuat Anni im März iatz weara,
dafür las miar iatz an Böller bleara.

Moschen Norbert & Emilia

Dr. Nobert deas miaßa mar iatz amol sogä,
tuat an Haufa Peschtla hoba.
So leitet er nit nua des Stadtbauamt,
na er isch ou als Bausachverständiger im gonza Land bekonnt.
"Bau+Energie" sei Ingenieur und Innenarchitekturbüro sich nennt,
dafür lossa miar iatz a Rekata steiga, weil nit jeder isch so kompetent.

Mangott Silvia & Schneider Joachim

Von enk deas Sprichli isch olli schwar zum schreiba,
weil mir nit wissa wo es enk tiats alli umchatreiba.
In Zukunft miaßa mar wahrscheinlich an Spion engagieren,
um a poor guate Gschichtla vo enk zu lukrieren.
Mir schika iaz a Scheiba übern Berg,
auf dass ma im negschta Johr mia von enk heart.

Kirschner Katharina

Die Katharina wohnt iatz schu seit längerem in Grins,
und zwor im Altersheim und numma bei ins.
Do douba gibt's sicher gnuag zum erleiba,
drum dirft's bei dir ou kua Longweil geiba.
Dia sett deas neue Jahr viel Gesundheit bringa,
drum lass mar a Scheiba den Higl ocha springa.

Fam Nöbl Ferdinand , Romana

Bei Ferdl isch dös so a Soch
ihn trifft man oft unter seim Schupfadoch.
Do konn man mit ihm so manchn Ratscher mocha
Und diskutiera über neue und olte Socha.
Ou bei da Auto hot er eine Auswohl, wia jeder woäß,
uans fürs Gelände und uans für d'Stroß.
Daß dein groaßer Maschinen- und Fuhrpark olli funktioniert
Iatz nou darzua a Raketa marschiert.

Nöbl Hannes & Holzknecht Petra

Dar Hannes hat sich endlich traut und sei Ja-Wort geba,
dabei war er so aufgereggt, sall hosch'n bald miasa heba.
Und damit die Familie isch komplettiert,
sein die Vorarlberger iatz zu viert.
Emil hoast dar Nachwuchs und isch bumperlgsund,
und auf d'Walt keama ischer unter uanar Stund.
Viel Glück für di und dei Familie mechta mar nach Muntlix schicka,
lei uans, loss di vielleicht bei ins öfter blicka.

Fam Schlatter Engelbert Stefanie

Longweil tuat d'r Engl und d'Stefanie sicher nit kenna,
weil irgend einer Beschäftigung tian si olli nochrenna.
Die uan oder ondere Veranstaltung tian si organisiera,
damit ma s'Kapallali konn weiter restauriera.
Sogor für Sport hoba sie nou Zeit und mocha ihr Runda,
und mit da Longloufschi die Gegend erkunda.
Daß dia Fitness ou viel bringt,
iatz für enk nou a Raketa singt.

Fam Schlatter Harald Melli

Dar Harald isch olli fleißig an der Arbeit dran,
da ischas decht klar, dass o amol eppas passieren kann.
Mitta drin in seim Dianst isch er vu dar Laderampa ocha kugelt,
sall hots'n grad so richtig vernudelt.
A so a Sehna isch holt glei amol grissa,
a paar Wocha Kronkastond sall isch decht beschissa.
Harald, pass s'negscht mal holt besser au,
sei achtsam, und vor allem schau genau.
A Scheiba für enk kannsch dar grad selber schloga,
aber Vorsicht, sinscht braucha mar no an Kronkawoga.

Perktold Michael

Dar Michael fohrt di meischte Zeit vum Johr,
mitm Streng LKW Bichl aucha, und wieder durcho.
Wo im letschta Johr die Mura keama isch wars für d'Fuierwehr a richtigs Gfrett,
Gott sei Dank hat dar Michael d'Schlüssel für die LKW gket.
So ischas leichter gonga und ma hat kenna sei Arbeit mocha,
und miar hoba ins glei kümmera kenna um andere Socha.
A Dankschian an di und a Scheiba durcho,
miar winscha dir a feines Johr.

Fam Kobler Gerald & Gabriele

Im Gerald mechta mar recht herzlich dankschian sogä,
und warum deas wearads iatz glei darfrogä.
Beim Umbau vu insarar Halle war der Gerald fescht dabei,
und wenn ma was braucht hot hobar mirs alli kriagt, deas war richtig fein.
Ob aufm Dach oder beim Decka ocha reisa,
ma hat in Gerald olli gsecha eppas auf dar Baustell umma schmeißa.
A Raketa und an Böller dass ma's weithin heart,
die Hilfe aufm Bau war richtig viel Weart.

Kobler Maria

Die Maria, deas isch a Gfrett,
hat in deam Johr an längara Krankenhausaufenthalt gket.
Miar wünschä dir viel Gesundheit und dass as dar guat geht,
weil die Gesundheit olli an erschter Stelle steaht.
A Scheiba weara mar ausm Fuier tian,
hoffentlich isch s'nuie Johr für die schian.

Plattner Kathrin

Die Kathrin fühlt sich wohl in dera Kurva do daußä,
drum lossa mar glei a Scheiba den Higl ocha saußä.
Deas Johr gibt's amol nit so viel zu berichtä,
sie tuat toll heimlich mit Ihra privata Gschichtä.
Dass ma nit alli da gleicha Korra fohra kann,
deas woas sie als Fohrlehrerin schua long.
Kurzum hot sie Ihr Auto verkoaft,
und da BMW X3 von dr Mama ihr eigen toaft.
Dass dirs in Gurnau weiterhin guat tuat gfolle
Lossa mar iaz no an Böller knolla.

Plattner Christian

Dar Christian isch bei der Fuierwehr sehr engagiert,
und ou beim Fuaßball Klub, wo er die Balla pariert.
Wenn dazwischä no a Zeit überbleibt,
hat er an VW-Bus in dar Garage, an dem er sich die Langeweile vertreibt.
Du und dar Wolfgang, es seit's do fleißig beim restauriera,
ma sigt enk Tag und Nacht die Teile montiera.
Sobald es fertig seit's wellat's damit in Urlaub fohra,
a Matratza statt da Rückbenk, nocha kennat's enk des Wohnmobil spora.
Iatz lass mr no an Böller laut für enk krocha,
wenn es fertig seit's mecht mr ou a Spriztour mocha.

Fam Plattner Wolfgang Angelika

Deis Johr isch beim Sprichla di Angelika dron,
sie und ihr Leber sei mittlerweile a guats Gsponn.
Die Familie hot di bei der Genesung guat unterstützt,
ober noch a poor Wocha bisch glei zum Gardasee obgflitzt.
Do dunta konnsch du am beschta entsponna, do tunkts di fei,
siehsch kuan Hausholt, kua Orbeit, so soll des ou sei.
Dahuam sella si lei a bissli um di verdriaßa,
und secha wia des isch, wenn si ohne Mama auskema miaßa.
Miar lossa für di no an Böller krocha,
tua dir's in dr Pension lei recht gmiatli mocha!

Menghin Manuela

Di Manuela geara auf n'Berg aucha springt,
und dabei wahrscheinlich so manches Wettrenna gwinnt.
Oft hat sie des gleiche Ziel, deas kennats ins glouba,
die Muttekopfhütte, die isch hoach über Imst doba.
Da kennt ma sich aus,
und da gibt's o alli da gleiche Schmaus.
A Kaspressknödelsuppe und an Schnaps darzua,
da hosch vor jeder Krankheit dei Ruah.
Und uanmal im Johr gibt's auf deara Hitta ganz was bsunders und ganz frisch,
da kimmt nämlich die Schlachtschüssel auf'n Tisch.
Da fahlt die Manuela ganz sicher nia,
und iatz no an Scheiba übern Bichl recht schian.

Pfeifer Anna

Die Anna isch aufn Hund keama, so kannt ma deas sogä,
Gott sei Dank ischas nit so uanar woa muasch alli vu Hond umma troga.
Aber spaziera tuat dear Hund decht öfter mit andere Leit,
isch dar Rundgang durch Gurnau nit eppa zweit?
Bei dar Muara hats dar Anna s'Wosser in Keller icha druckt,
alles nass und womöglich hin, da wearsch ja verruckt.
D'Fuierwehr hat dean Keller mit Sandsäck gsichert und verbarikadiert,
damit deas Wosser ganz schnell sei Wucht verliert.
Hoffentlich isch bei dir iatz wieder alles trucka,
sinscht miasta insre Buaba holt no amol ausrucka.

Arnold Ursula

Zur Scheiba tian miar glei a Raketa schiaß,
weil d'Urusla tuat iatz d'Pension so richtig genieß.
Mit'm Porsche weard iatz manch's Fahrtli unternomma
Weil Urlaub brauchsch iatz kuan mia nehma.
Do kennt's von enkeri Biena olli an guat Tipp kriage
und ba schianem Wetter den gonza Tog ausfliega.
Daß deine Biene nocha ou viel Honig bringa,
sett dia Scheiba bsunders weit aussinga.

Fam Senn Werner Brigitte

Wenn's in ara Familie a Hochzeit geit,
nocha isch des a Hit für die Weiberleit.
Do gibt's jo so viel zu bedenka,
Ongfongt vor Gästeliste bis wos kann ma denn schenka.
Di Brigitte und di Michi hoba di Verena fescht unterstützt,
und sei für dia Hochzeit fescht umagflitzt.
ongfongt vom gemeinsam Brautkleid aussuacha,
bis zur Musi und zum Hochzeitskuacha.
Und wie sich des für die Trautzeugin und Brautmutter keart,
hoba si dem Brautpaar ou an Haufa Überraschung beschert.
Die Hochzeit isch donn wie am Schnürl grennt,
wie mar keart hoba, wirklich a tolles Event.
Dr Werner wor sicher gonz stolz auf sei Tochter als hübsche Braut,
der Böller krocht iatz für enk bsunders laut.

Senn Anna

A bsunders schiane Scheiba tia mar iatz außa schiaß,
und gonz herzli inser Anna damit begriß.
Bringt des Olter ou mit so manche Plog,
es gibt holt schwarere, nocha wieder bessere Tog.
Iatz im Winter bleibt si geara dahuam und schaut beim Fenschter außa,
ober wenn's wieder wärmer weart, nocha sieht ma si sicher wieder a bissli vor dr
Tür umasausa.
Damit sie fit bleibt und fescht mitfeira kann,
bei dr nägschta Hochzeit vo ihra Enkela, und zwor vor'r Evi und ihrem Monn.
Anna, mir wünsch dir Gsundheit und Gottes Seg, a
bis zum nächsta Jahr, wenn mar wieder a Scheiba für di in'd Gluat icha leg.

Senn Verena

D'Verena tuat ma in Gurnau numma gora so oft sichta
aber trotzdem tia mar dir no a Sprichli dichta.
In dr Tiergortastroß in Innsbruck geht sie iaz aus und ein,
und hot's dett mit ihrem Mann richtig fein.
Neben der Schual tuat sie no fleißig in der Usi Kurse geba,
und verdient so was dazu für ihr Leba.
An extra Euro isch immer guat zu lukriera,
den hot sie sicher kenna für Ihr Hochzeit investiera.
Dass deas a schiana Feier wor und ou mitm tolla Monn,
hoffa mar dass die Scheiba iaz richtig weit fliaga konn.

Walter Berta

Die Feuerwehr mecht dar wünschta in dera Zeit,
viel Kraft & Gesundheit!
Ma sieht die Berta oft mit ihr Pflergerin giah spaziera,
mir hoffa für die des tuat no lang so funktioniera.
Mit der Scheiba mechtta mar zu deiner Gesundheit beitragen,
und wera die iatz weit außaschloaga.

Fam Walter Markus Sybille

Für a Gschäft isch an Parplotz uans vu die wichtigschta Socha,
dear muas nochnad am Loda sein, damit d'Leit nit miasa an weita Fuaßmarch mocha.
Bei dar Sybille hat epparn a Säule umgfohra, und dar Markus, aso an richtiger
Mann,
hat deas glei repariert, warum? Weil ers kann.
Damit ma selber nit so viel Plotz braucht hinterm Haus,
gibt ma s'Geld für an kluana Woga aus.
An Mini mit schworze Stroafa und a schians weiss auf dr Seita,
so sieht ma deas Auto ou schua vu dar Weita.
Hoffentlich hebt dia Säule im nuia Johr,
drum schiaßta mar enk iatz no a Scheiba durcho.

Fam Schütz Manuel Regina

Der Manuel hat huira sei Werkstatt erweitert,
und dafür a paar Baucontainer verbreitert.
Vielleicht tuat der Manu die Container huira nou mit Holz verbaua,
deas war sicher schian zum anschaua.
Hoffentli tuat der Manu nit zu viel Zeit mit`m arbeita verbringa,
und oft gnuag mit der Jana im Garta umma springa.
Die Gini hat sicher ou nou a paar Ideen hinterm Haus,
vielleicht geat sich da deas uane oder andere nou aus.?
Für enkere Scheiba nehma miar ins extrig Zeit,
und hoffa sie fliaht ou anständig weit.

Fam Schütz Erwin Christine

Erwin & Christine,was sett ma da sogä,
bei enk tian mar it gar aso viel derfroga.
Der Erwin mecht lei mia 7 Freitiger arbeita gian,
und nacha machat`s es enk fein und schian, mit Radla fahra und spaziera gian.
Dass dia Rechnung enk geht auf,
haua miar nou an Böller drauf.
Und weil der Erwin beim Prantauer für 15 Jahr von der AK weard geehrt,
isch ins deas nou a Raketa weart.

Fam Haag Sabine u. Peter

Vom Peter und der Sabine hammar Huira ou it viel derfragt,
drum wera sie von ins ou it lang plagt.
Miar hoffa bei enk loafte und enk geats guat,
drum hohla mar a schiane Scheiba aus defr Gluat.
Hoffentli tiat`s verlauter um`s Haus umma aufrauma,
nit den ganza Summer versauma.
Weil bei enk um`s Haus, schaut`s alli toll aufgraumt aus.
Auf dass eas kennt`s enkara schiana Garta ou genießä,
miar enk iatz nou an Böller aucha schiaßä.

Pfisterer Peter

Alles, was mar übern Piet kenna mit Gewissheit berichta,
er tuat olli no in Norwegen douba sei Arbeit verrichta.
Dia Strapazen do aui muas ma sich erst mal antia,
des Land und dar Zahltag, sei dafür aber wirklich schia.
In dar Freizeit tuat er douba a poor schiana Fotos mocha,
auf dena sigt ma ihn nocha ausm Facebook ausi locha.
Hoffentlich kenn mr ou huira beim Scheibaschloga wieder auf die baua,
Dafür konnsch dei Scheiba selber ausi haua.

Pfisterer Dieter Christine

Dem Dieter & der Chritina tian mar iatz a schiane Scheiba weit aussa schloga,
und mechta deas Sprichla it weit traga.
Viel Gsundheit & Glück winscha mar enk für`s huirige Jahr,
und hoffa die versprochne Scheiba fliaht ou ganz weit durch ah.

Wilhelm Karin

Deas Haus vu dar Karin schaut nia gleich aus,
zum Schluss mocht sie da no a richtiges Märchenschloss draus.
Im letschta Johr hot sie a Garage zuacha montiert,
und in uam Aufwisch glei no die Zufahrt asphaltiert.
3 Garagen, sag amol, wia nutzasch denn dia aus?
Machscho eppa sogar a Kunstgalerie draus?
Miar zünda iatz no an Böller an,
und hänga danach no a Scheiba dran.

Fam Kurz Julia Alexander

Es hobat`s im letzten Jahr enkr Wohnung renoviert,
und huira zum Abschluss no a nuie Garderobe montiert.
Damit isch dr Umbau iatz so guat wia vollendet,
drum hat sich dr Alex dem nächsten zua gwendet.
In dr Garage steat an 1er Golf zum restauriera,
da sigt man iatz olle Teile abmontiera.
Jedes einzelne Teil weart genau angeschaut,
überholt oder Original nachbestellt und wieder inbaut.
Iatz wear mr enkr Scheiba no weit oa schloga,
z`letscht kanntscho vielleicht no a Investition in a Sitzheizung woga.

Fam Carpentari Reinhard Marlies

Gott sei Dank hoba mar nit alle Johr a Hochwasser vorm Haus,
stell dar deas amol vor, deas war decht an graus.
Beim letschta isch d'Marlies schaua gonga und dabei über an Zaun graxelt,
leider kimmt sie zu Fall, hat sie sich gar eppa selber g'haxelt?
S'Resultat war an Fersenbruch deas tuat richtig weah,
es nutzt nix, da muas die Rettung hear.
Dia Heilung isch langwierig und dauert halt seine Zeit,
hoffentlich isch dein Fuaß bald wieder soweit.
A guate Genesung für die Marlies zum Schluss,
dassas o hearsch gibt's no an Böllerschuss.

Carpentari Lukas

Jo der Luggi isch no wianiger dahuum als sinst,
hot er iatz jo a Freindin z'Imst.
Sein Zivildienst hot er bis letzten Summer fertig absolviert,
bleibt natürlich a guater Mann wie er weiterhin engagiert.
In beruflicher Hinsicht will er sich widmen der Medizin,
lei des mit der Aufnahmeprüfung haut no nit ganz hin.
Allaweil will er sich als Radiologiestudent aneigna a paar Medizingrundloga,
dass er sich tuat bei der Aufnahmeprüfung nimmer so ploga!
Dass dir dein Vorhaben ou tuat gelinga,
lass mr dr dia Scheiba no weit ausisinga!

Carpentari Reinhard & Pedross Eva

Ab am gewissa Alter isch decht klor,
geht ma numma so geara da Berg durcho.
Was tuat ma da aber wenn ma decht uma springa will aufm Bearg?
Ma tuat sich unafach a E-Bike her.
Mit deam spart ma sich aber nit lei durcho sei Zeit,
o dar Weag aufn Berg aucha isch numma soweit.
Und wenn am so viel Zeit sport hot ma darweil für andere Socha,
da kannt ma decht s'eigene Wohnzimmer wieder amol nui mocha.
Wenn ma alles selber mocht isch deas Ergebnis glei no amol so schian,
drum weara mar iatz für enk a Scheiba ausm Fuier tian.

Fam Carpentari Jürgen Sonja

Dar Jürgen und di Sonja hocka geara voar dar Tiar,
da konnsch lei hoffa dass as Wetter isch oft schian.
Aber wenna regnat noch muas ma glei icha giahn,
da kannt ma decht eppas dargeaga tian.
Kurz überlegt und schua isch a Lösung gfunda,
a bissli Material und a paar Arbeitsstunda.
Und schua hat ma a Überdachung auf der Terasse drauf und isch bereit,
zum dausa hocka obs regnat oder schneibt.
Mir wünsch enk viele feine Stunda im Freia dausa,
und hola enk iatz no a Scheiba ausm Fuier ausa.

Sailer Gerhard & Brigitte

Vo dena zwoa tuat ma nix dr'frog,
so tia miar ins als Sprichschreiber morz ploga.
Gera tata mar über enk berichta
wenn da wara a paar nette Gschichtla.
Miar hola trotzdem die Scheiba aus der Gluat,
und hoffa enk geats guat.

Pekar Manfred und Sabine

Bei dar Polizei hat mas o nit alli schian,
ma hat halt oft mit schwierige Leit zum tian.
Bei am Polizeieinsatz isch dar Sabine eppas passiert,
sie hat sich recht fescht ihr Knia lädiert.
Iatz wor sie für längere Zeit außer Gefecht,
a guata Genesung wünsch mar recht.
Tua im nuia Jahr besser auf die schau,
drum schiaß mar iatz no a Raketa aucha.

Pfeifer Martin

Die Lischta fürs Scheibaschloga hat an nuia Name drauf,
dar Martin scheint huira bei ins s'erschte mal auf.
Dar Führerschein isch für an junge Mensch wichtig und a Zeichen für
Unabhängigkeit,
und beim Martin wars im leschte Jahr o soweit.
L17 macht ma heint zu Tog deas isch klar,
wear wortet denn no bis er isch 18 Jahr?
Tua guat aufpassa auf dar Straß und schau genau,
a scheiba fliegt iatz in Himmel au.

Fam Pfeifer Karl Brigitte

Die Brigitte sieht ma oft mit Hund spaziera giahn,
aber deas alluan mocht s'Leba nit schian.
Der Karl und die Brigitte hoba sich a Auto kouft,
deas vu 0 auf 100 in 5 Sekunda louft.
An Porsche isch ihr Eigentum,
mit so am schiana Korra fohrt ma natürlich geara umadum.
Ab und zua geahs am Wochenende zum Gardasea,
mit so am schnella Auto tuat die Fahrzeit o numma weah.
Viel Spaß mit enkarm Gefährt,
startats schnell, ob ma nocha insarn Böller no krocha heart?

Öttl Wolfgang Christina

Die Christa & den Wolfgang siecht ma im Winter z` Imscht oft beim eisloafa,
und danach meistens an guata Laugabreaza koafa.
Mit der Anna seit`s alli ganz viel am Weg,
deas isch it lei sportlich, sondern macht ou nou a morz Freit.
Miar hoffa der huirige Summer werd wieder toll schian,
dann sieht ma die Christa mit`m Wolfgang z` Perjen im Wasser schwimma und
stian.
Hoffentli fliaht dia Scheiba ausi ganz weit,
so habat`s eas damit a morz Freit.

Fam Würthenberger Claudia u. Armin

Im Leben brauchts Balance und Ausgeglichenheit,
nocha isch ma alli für nuie Aufgaben bereit.
Aber wia kann ma deas mit dar Balance am beschta üben?
ma spannt a Seil vu uam Boam zum anderen drüben.
Slackline nennt sich deas im Fachjargon,
ma schaut dass ma lang drauf stiahn bleibt und nit fliaht durcho.
So übt ma deas am beschta am Spielplatz douba,
du machsch deas recht guat, miar miaßa die loba.
Dia Scheiba sell ocha fliaht recht schian,
und tu bleib trotzdem auf dar Slackline stiahn.

Fam Landerer Franz Elfriede

Dar Franz hat schua lang sei Sammelleidenschaft entdeckt,
er isch auf dar Suche, wo hoba sich die schianschta Stianer versteckt?
Und weil ma die Felsa kaum ums Haus uma findat,
dar Franz die Suche öfter mit am Ausflug verbindat.
Ins Paznauntal, in Haiming oder im Südtirol, da isch er fescht am schaua,
und tuat det Stianer und Erze abbaua.
Außerdem hats dar Franz beim Holz hola nit geara dunkel,
drum hat er sich a Liacht installiert, so a gefunkel.
Iatz nimmsch alli di richtiga Brigl mit ins Haus,
drum schloga mar dar iatz a Scheiba übern Bichl aus.

Fam Marth Edmund Helene

Viel in d'r frische Luft, sall isch kuan Frog
dös isch der Edi und d' Helen jeden Tog.
D' r Edi draht seini große Runda
D'r weil verbringt d'Helene mit da Enkala ihre Stunda.
Vo enk zwoa konn ma nit guat an Blödsinn schreiba,
wenn ma nit woäß- aber d'r für an Böller onreiba.

Fam Schultes Hubert Brigitte

Der Hubert weard iatz eppa langsam deas mit der Bauraschaft anfanga zum
reduziera,
weil nacha hatt er ou mia Derweil die Gitti im nuia Auto zum umma chauffiera.
Auf die Alm kann ma natürlich ou z` Fuaß gian,
aber mit` m Auto isch es halb so streng und decht gleich schian.
Miar hoffa eas habat`s mitnand a feine Zeit,
und schloga enk dia Scheiba ausa ganz weit.

Vogt Herta

Die Herta fahrt ganz oft mit` m Zug hin und hea,
als Pensionist kostet deas it viel, drum tuat`s it wea.
Trotzdem kanntesch dir überlega selber a Sauna zum baua,
nacha miasstesch it alli auf den lästiga Zugfahrplan schaua.
Da kanntesch z` Gurnau dein eigna Saunaclub organisiera,
und zur Eröffnung tat dir Fuierwehr die Getränke spendiera.
Miar hoffa du bleibsch aber dennoch fleißig beim Ausflug mocha,
und lassa dafür a Scheiba extrig weit ausa krocha.

Vogt Irene

Die Irene, was sell mar anderes schreiba,
tuat sich mit dr Herta im ganza Land uma treiba.
Im Summer sigt ma enk im Wald die schiana Schwammla ab schneida,
Mir hoffa du holsch dr dabei kua Rugga leida.
Und huiru hobat´ s es sogar no dawischt,
beim Schmid in dr Wießa da letzta Bowischt.
Im Winter sigt ma die wia olli als Skilehrerin die Piste oi fohra,
dabei tuasch mit Tipps für die Anfänger nit spora.
Mir schaua dass mr no a schiane Scheiba in dr Gluat drin finda,
dia loss mar für die in dr Sanna verschwinda.

Larcher Mathias u. Simone

Dar Mathias o bei dar Fuierwehr olli eifrig bei dar Arbeit isch,
deas isch o dar Grund warum er in der Hirarchie vu ins ganz groas aufgstiega isch.
Hallenwart, deas isch sei nuie Zuständigkeit,
und dafür isch dar Mathias olli bereit.
Für die Halle hat er an Haufa Gstellar baut,
damit ma d'Socha guat logara kann, und es nit olli alls umchahaut.
Im Job iasch er iatz o an Service-Mann,
sall muasch di bald wundra was dear alles kann.
Dar Familie Larcher a Scheiba aus dar Gluat,
dass dar die ganz Fuierwehr brav folga tuat.

Fam Larcher Peter Margret

Dr Peter tuat bei seinem Wohnmobil alli fleißig umma flicka,
aber er tat` s nie zum Haim auf Zams ocha schicka.
Vielleicht will der Peter gar it soa a großes wia der Ekki hoba,
sinscht miaßt er sich mit die Parkplätz ou so wild umma ploga.
Am Bodensee daußa hat er` s ganz fein,
und da isch es nia weit um an am See zum sein.
Vielleicht nimmt sich die Margreth ou amal die Zeit,
da hatta sie sicher beada a Freid.
Enk beidna tuat dia Scheiba was iatz kimmt keara,
und miar kenna lei hoffa sie tuat ou weit aussa bleara.

Schütz Florian & Babsi

Dar Flo, und deas kuaner kritisiert,
woas wia ma a richtig guats Fescht organisiert.
An Polterabend hat er durchgeplant und es war richtig schian,
deas kanntasch decht o ohne poltara wieder tian?
Z'Silvester mecht ma eigentlich geara a Skitour mocha,
aber was sell ma tian, wenn im Dezember lei mia tuat die Sunna vum Himmel ocha
locha.
Nocha geahrt ma holt z'Fuaß auf d'Alm zum a Birli trinka,
und ma sieht in Flo mitm Markus und im Tom vum Bearg ocha winka.
A Scheiba gliacht schu und fliagt in kurzer Zeit,
vielleicht fliagt sie ja bis auf Lans soweit.

Schrott Werner Gudrun

Am Bruder vor Sissy, tian miar ou jed's Johr a Scheiba schloga
Und für seini Spenda ou donkschian sogä.
Miar tian holt nit d'r frogä, was sie in Deitscha daussa olli treiba
Isch ou gleich, an Böller kenna miar trotzdem onreiba.

Fam Schütz Egon Sissi

Dr Egon und d' Sissi wollta von dr Tante Beerdigung giah,
ober wia si do so am Friedhof stiah,
im Ötztol drin, mit'm Buket in der Hond,
denka si sich - dia Leit sei ins olle unbekannt!
Des sei olles wildfremde Leit,
kua Verwondschoft, dass es des lei geit!
Wie si donn näher zuacha giah,
weart ihna, klor, dass si do bei dr folscha Trauergsellschoft stiah.
Do hoba si kett s' folsche Datum im Kopf, des isch zu dumm,
si packa des Buket und drahja glei wieder um.
So eppas kann schua amol passiera,
drum loss mar für enk no a Raketa marschiera.
Ja dr Egon und die Sissi die wissen es genau,
als Opa und Oma von der Marie muas ma sein flott drau.
Die Sissi geht dafür oft Fitness mocha,
und da Egon mocht Summer wie Winter allerhand sportliche Socha.

Fam Huber Robert Gabi

Vom Hansrobert hoba mir vernomma,
er isch unter die Antiquitätenhändler gonga.
Fotoapparate und alte Radio hot er auf seim Lager,
aber an Wurlitzer isch sein wirklicher Schlager.
Wenn du do heara wilsch an olta Hit,
nocha muasch Schilling inschmeisse, weil der Euro geht do nit.
Daß dir dein Handel ou guat gelingt,
für enk iatz no a Raketa singt.

Fam Rainalter Eckehardt Hella

Dr Hella mecht die Fuierwehr amal a großes Dankschian sogä,
weil ab Huira tian mar sie nimma mit`m Kiachlatoag ploga.
Den Toag hot ins d'Hella gmocht viel Johr
deis isch a morz Arbeit fürwohr.
Iatz miaß mar ins halt an guata Ersatzmann suacha,
und hoffa er tuat it glei anfangä fluacha.
Leicht weard deas gwieß it weara,
aber miar gloaba du hasch a paar Tips für ins, sodass mar it anfangä miaß zum
bleara.
Iatz kanntesch den Sunnti Nammitag leicht mit`m Ekki vor enkerem Kamin
verbringa,
ohne Angst z`haba dass dia Funka ausa springa.
S`Kaminfenster isch iatz ou wieder recht montiert,
und der Öffnungswinkel perfekt justiert.
Dass Du und der Ekki es über di Winter iatz wieder fein hoba,
miar enk a Scheiba ganz weit ausa schloga.

Scheiber Michael

Da Michael hat Grunau leider den Rücken gekehrt,
als neuer Wohnort hat sich der 3 Bezirk in Wien bewehrt.
Da tuat er an der Uni für Bodenkultur studiera,
iatz kann er nochä in Tirol mit seim Fachwissen brilliera.
Aber Michael uans wella mir dir no saga,
tua uns nit zu wild die Wiener Weiber bloga.
Bei da Feuerwehr wird er sich hoffentlich trotzdem weiter quäla,
da kann ma echt immer auf ihn zähla.
Zum Schluss lassä mar iatz no an Böller krochen,
und sein uns sicher du wirsch den Aufgaben in Wien alle guat mocha.

Scheiber Markus

Dar Markus hat in Bludenz die Zügel fescht in der Hand,
er isch Veschubleiter, deas isch warscheinlich schu viele bekannt.
Was aber nit alle wissa und drum miasa mar deas iatz soga,
er tuat o in dar Kucha so manches Experiment woga.
Kocha, deas isch uanfach sei Leidenschaft und da steckt viel Liebe drin,
und meistens haua seine Gerichte o richtig guat hin.
Bei der Weihnachtsfeier vu dar Fuierwehr hat er kocht, deas war an Genuss,
drum schiaßa mar iatz a Scheiba zum Schluss.

Scheiber Peter

Dem Peter wella miar amal vorab schua gratuliera,
und an extra Böller spendiera.
Den Imkerkurs hat er erfolgreich bestanda,
und ganz gwieß alles auf Anhieb verstanda.
Alles was der Helli woßvon dera Honigproduktion,
hat er sicher weitergeba, vom Vater zum Sohn.
Dr Peter weard deas mit de Bienala sicher guat mache,
aber langsam braucha mar epparn der was den Luftraum tuat überwacha.
Vielleicht schafft sich der Peter iatz ou a Bienavölkli an,
deas was in Gurnau und der Imsterau seine Runda draja kann.
Miar winscha dir damit auf alle Fälle viel Freid,
und hoffa dass es dei Scheiba weit ausi treat.

Scheiber Robert

Dr Robi hatt sich letschtes Jahr a „nuis“ Auto auftrieba,
miar fraga ins lei, wo isch denn deas übrig blieba?
An roata Golf isch es gwoara,
und der Robi hatt glei zum anfanga a paar Teile verloara.
Dia bleade Ölwanne isch halt wohl weit dunta montiert,
da kann`s schua amal vorkeama dass ma sie a bissli lediert.
A Spur hat er zoacha von Dahuam bis Dawin,
deas war gwieß it in Robi`s Sinn.
A guat`s Auto hat dr Robi da ganz bestimmt,
weil ma damit ou ohne Öl bis Huam kimmt.
A sichere Fahrt winscha miar dir auf jeden Fall,
und schlag dir iatz nou a Scheiba aussa mit am morz Knall.

Fam Scheiber Helmut Martha

Die Martha sigt ma gonz oft die Runde Stanz Grins gia
Sie genießt die Ruhe weil da huam hot ma dia decht nia.
Ende des Johres kann no uaner unter Togs dahumumma sei
weil iaz bolt aus isch mit dr Bugglerei.
Dr Helli tuat iaz fest überlega
Obs des mit Ihm in der Arbeitswelt wor, für sein schua fost 60-jähriges Leba.
Dassats eas enk in der Pension ou tiats guat vertrogra
mir iaz no a Scheiba den Bichl ocha joga.

Grießer Elisabeth

Du hosch mit´m Freind in Mötz teilweise des Haus umbaut,
bei der Einweihungsparty hoba deine Tanten und Onkels lei mia so gschaut.
Ou für deine Cousinen hosch a Einweihungs Party geiba,
was mir so keart hoba, lasst sichs da dunta wirklich guat leiba.
Iatz hom mar für die no a schiane Scheiba in dr Gluat drin gfunda,
Mir hoffa es kennats dunta verbringa no viele schiane Stunda.

Fam Grießer Hubert Rosmarie

Mir tia di nägscht Scheiba aus dr Gluat außa heba,
jo, mit da Auto, do kann am ollerhond drleba.
Vor zwoa Jahr hatta si am Gardasee da Urlaub genießen wella,
do isch des Auto ingonga, und si hoba's miaßa in'd Werkstott stelle.,
S'läntsch Jahr beim Wonderurlaub in Italien, des kann decht nit sein,
geht't ihna decht schua wieder der Woga ein.
Enkr Auto hot wohl gega Italien a Antipathi,
sinsch war er decht nit jedes Mol do dunta hi.
Wenn's enk wellts Scherereia drspora,
tiat's eppa s'nägscht Mol im Urlaub Richtung Norden fohra.

Hotel Mama genießen tia heind di Junga viele Jahr,
do kann ma sich verwöhna lossa und ou viel drspora, des isch wohr.
Ober so isch der Lauf der Zeit und zu guater Lescht,
verlossa di Kinder ihr Huam und Nescht.
Wenn di Junga selbständig weara,
isch des recht und kuan Grund zum pleara.
Im Haus isch wieder mia Plotz,
und ma hot wieder gnuag Zeit für sein Schotz.
Hubert und Rosi, tiatsgenießen die Zweisamkeit,
vielleicht mocht si jo gor an zwoater Frühling breit.
Losst's enk nit verdriaßa,
miar tia enk no an lauta Böller schiaßa.

Schmid Thomas

Dr Tomi tuat fleißig seine Hobbys nachgia,
da gonza Summer, sigt man bei da Schönwieser auf´m Fuaßballplatz stia.
Des harte Training hat sich für die auf jedenfall rentiert,
mit deine Tore hasch enk auf´n ersta Platz katapultiert.
Ou bei dr EM in Frankreich war dr Thomas mit dabei,
a eigenes Fan Trikot muass do schua sei.
Beim Mura Abgang war dar Thomas ou sehr ongagiert,
Er hat die ganze Nacht mit´m FF Auto die Sandsäck uma gfiart.
Mit dem olta Auto muasch negstmal bissli feinfühlicher umgia,
sinsch ham mars wieder in dr Werkstatt stia.
Die restliche Wocha isch dr Thomas nocha mit´m Traktor umabrennt,
zum Schaufla hat er anscheinend zwoa linke Händ. ;))
Zum Schluss wünsch mr dir no viel Glück bei deiner Master- Arbeit,
iatz hau mr die Scheiba no ausi ganz weit.

Schmid Daniel

In Daniel sigt ma wia olli beim Lutz dunta stia,
do tuat er brav seiner Arbeit nachgia.
Er muas schua länger auf die versprochene Beförderung hoffa,
huira hatts ihn nocha endlich troffa.
Aber do hat er nach Bischofshofen oi miassa,
friahr oder spatr tat er det sicher angfonga verdriaßa.
Wenn in Zams bleibsch tuasch dr an haufa Zeit spora,
auf d' Arbeit hosch do höchstens 10min zum fohra.
In dar Freizeit sigt ma die oft nach Innsbruck oi springa,
wo du tuasch die Zeit mit deiner Freindin verbringa.
Stell sa ins mal vor, du kannsch die ruhig traua,
brauschsch kua Angst habe, es weart sie dr schu kuaner klaua!
Dia Scheiba isch iatz fürs nuie Jahr,
miar Wünscha dir lei s´beste, isch woll klar.

Fam Schmid Harald Angelika

Auf'n Sport und Kondtion tuat der Harald stiahn
und uan mol in der Wocha turna giahn.
Er hot zwor a bissli a ladiertes Knia,
trotzdem muaß er mit da Turner- Kollega auf a Radltour gian.
Mit Arnikaschnops und an Haufa Pflaster,
hot er behondelt am Knia dös Laster.
Ober da wora viela Höhenmeter d'rbei,
drum wors ou manchsmal a Radl- Schieberei .
In dem Olter brauch ma do schuan a guati Kondition,
dös gleicht der Harald aus mit einem Radla aus Karbon.
An Böller tian mar oatz nou anzinta,
daß du bei dena Toura olli vorna bisch und nit hinta.

Harry miar schüra da an Verdacht,
bei der Angelika bleibt der Postler sogar über Nacht.
A gelbs Auto staet da bei enk vor`m Haus,
aber ma sicht nia an Fremda gian ein oder aus.
Vielleicht seacha miar da it ganz recht,
kontrolliera tat i`s aber decht.
Es kannt ou sein dass deas lei an Zufall isch,
weil nacha war deas Sprichla für die Fisch.

Fam Schmid Helmut Linde

Der letschte Herbst war für'n Helmut a bissli Gfrett,
weil gundheitlich hot er a bissli an Trubel kett.
Von seim Arbeits-Eifer hot er miasse a Auszeit nehma
Dös isch d'rfür seim BMW zu gute keama.
Jede Wocha weard er aussa putzt gonz genau,
ober nit z'viel , zum Schluß isch noch a kuan Lack mia drau.
Setsch s' Putza noch richtig kenna,
konnstsch jo d'r Linde ou an Arbeit obnehma.

Juen Anna-Lena

Die Lena griagt ma bei jedem größera Fest zum Sichta,
mit ihre Freundinnen gepflegt was trinka keart wohl zu ihren Pflichta.
Beim Christkindmarkt in Wien war sie a mit dabei,
da hats bestimmt a paar Glühwein geben, die wora sicher nit alkoholfrei.
Du und dr Benni seits echt a starkes Team,
und wünschen enk alles Gute weiterhin.
Mir sein uns sicher du wirsch deinen Weg a weiterhin so guat mocha,
und lassen iatz für die no an Böller krocha.

Juen Johannes

Dr Johannes so kimmt uns vor der tuat uns gerne necka
der kann sich unterm Jahr nämilch wirklich guat vor uns verstecka.
Schlafen taut er für sei Leba gern,
da passiert's schua hin und wieder dass er bleibt dar Orbeit a paar Stunden fern.
Ou wenn er mal zum Kochen kimmt a bissli z'spät,
de verlorene Zeit holt er aber glei wieder rein mit seiner Souverinität.
Für an Johannes schloga mar iatz no a Scheiba weit raus,
vielleicht kimmsch iatz ja zeitiger aus dem Haus.

Juen Julia

In Julias Leben, hat sich letztes Jahr viel Neues ergeba.
Sie isch iatz unter einer neuen Adresse zu finda,
mir hoffa du wirsch nit ganz aus Gurnau verschwinda.
Auf da Öd da kann ma sie iatz Besucha,
die Feuerwehr kimmen sicher mal vorbei auf Kaffee und Kucha.
An neuen Job hat sie in Landeck a glei gfunda,
so braucht sie zur Orbeit nur mehr paar Minuta und numma Stunda.
Als Verkäuferin im Intersport braucht ma gewisse Fähigkeita,
mir hoffa dir gfolts und tuasch da ou gerna orbeita.
Dass dir deine nächsten Schritte ou alle so gelinga,
lass mar iatz a Scheibe weit ausi singa.

Fam Juen Hubert Erika

Es hobats jo enkre Hochlandrinder,
auf die schauats wia auf enkra Kinder.
Tiats sie jeden Tag strigla und an Haufa zum fressa geiba,
dia hoba wahrlich a schians Leiba.
Da gonza tag sigt ma sie auf dr Wiesa uma gia,
lei uamol hat die Erika gseicha, uans vorm Zaun dausa stia.
Sie wollt's infonga und da isches passiert,
uamol nit aufpasst und schua hat sie an Tritt kassiert.
Nocha hoba's die glei ins Spital oi gfahrt,
do hoba sie a schwere Prellung diagnostiziert.
Mittlerweile geat's dr wieder guat, was ins alle freit,
Manchmal loufts hald wirklich bleid.
Da Hubert sigt ma in letzter Zeit öfters aus dr Zeitung locha,
wo er tuat die Bevölkerung auf die Verbrechen aufmerksam mocha.
Dia Verbrecher scheinen die auf Trapp zum holta,
du brauchsch oft a ganze Seita, nit lei poor Spolta.
Miar wella enk iatz numma länger ploga,
und für enk die Scheiba no weit oi schloga!

Juen Paula

Die Paula hat momentan kua uanfoche Zeit,
dei Schicksal tuat ins alle fest Leid.
Du hasch a groaße Familie dia hinter dir steat,
und schaut, dass dia schware Zeit guat umageat.
Mir wünscha dir weiterhin viel Kraft,
und schaua, dasses dei Scheiba bis in die Sanna oi schafft.

Siegele Angelika & Wiedenegger Christian

Deas Johr tia mar ins leicht über die Angelika was zum berichta,
sie tuat nämlich salber niederschreiba von so mancher Sitzung die Gschichta.
Bei dr neu gegründeten Waalgemeinschaft isch sie als Schriftführerin vorn mit
dabei,
und was do auf die zuakimmt isch sicher ow allerei.
Daron, dass deas Projekt ow wos gscheits weart isch sie fest interessiert
und will ow, dass da glei mol eppas passiert.
Dass dein Elan bei der Soch nit tuasch verlierera,
lossa mar iaz an Böller detoniera.

Siegele Ruth

Die Ruth hat iatz sicherlich an Haufa zum tian,
aber der Grund dafür isch wunderschian.
Als Oma tuat ma sicherlich viel derleaba,
und wenn`s uam z` viel weard, kannt ma s` Enkele bei der Mamma ab geaba.
Miar hoffa enk hat`s guat und es kennt`s es genießä,
und tian enk dafür a Scheiba ganz weit ausa schiassa.

Autohaus Maschler

Ins wunderst dass bei enk die Leit nit die schiana Autos klaua,
Aber dia gian beim Spaziera decht lieber longsom und tia fleißig schaua.
Manche tian ou des uan oder andere Exemplar genauer inspiziera,
und sich denka da kannt i decht ou mol wos investiera.
Viel Seat sigt seit kurzem in Gurnau umma fohra,
da isch nix umma von dr Wirtschaftskrise und spora.
Dass ou nächstes Johr des Geschäft floriert,
iaz an Böller detoniert.

Fam Juen Klaus Anna

Dr Klaus hot an neuen Weg für sich entdeckt,
kaum wenn er losgeat isch er ab und weck.
Richtung Pians nebam Boch er iaz icha spaziert,
da hot er sei Ruah deas hot er glei kapiert.
Richtig freija tuat er sich wenna mocht an richtiga Schnea
da kimmt er glei mit seiner Scheefräse daher.
Dia tuat da Schnee weck in am riaßa boga
und drum isch dia Scheiba iaz ow weit ocha gfloaga.

Thöni Maria

Di Maria isch numma viel in Gurnau drein
si wohn iatz beim Herbert und do tunkt's sie's recht fein.
Mir wünsch dir viel Gsundheit und Gottes Segga,
dass mar dr kenna no viele Scheiba aus dr Gluat außa heba.